

Universitätsbibliothek Paderborn

Summula Casuum Conscientiæ

In Qva Agitvr De Præceptis Ecclesiæ, De Officio Confessarii, Ac De
Censvris

Petrus <a Sancto Josepho>

Coloniæ Agrippinæ, 1652

Articulus I. De irregularitate in genere.

urn:nbn:de:hbz:466:1-41572



CAPVT VI.

DE IRREGVLARITATE.

ARTICVLVS VI.

De irregularitate in genere.



Regularitas est inhabilitas iure canonicō inducta, quantum est ex se impediens susceptionem ordinum, vel usum susceptorum. Vbi sub nomine ordinum comprehenditur etiam prima tonsura, ex communiori sententia.

Quamvis irregularitas magnam affinitatem habeat cum censuris, non tamen est censura propriè dicta; siquidem censura nunquam incurrit nisi ob peccatum; irregularitas verò non modo ob peccatum, sed etiam propter defectum aliquem, qui non est peccatum, contrahi potest.

Irregularitas in eos tantum cadit qui sunt capaces ordinis. Vnde nec viri nondum baptizati, nec foeminae possunt irregularitatem istam, à iure Ecclesiastico inductam, contrahere.

Duplex est, alia ex defectu, alia ex delicto. Prior contrahitur sine culpa, posterior nequaquam. Item hæc non incurritur, nisi ob peccatum mortale.

Vt incurritur irregularitas ex delicto, requiritur actus externus isque consummatus. Vnde irregularitas imposita ob homicidium, non contrahitur ob voluntatem occidendi, nec ob inchoatum homicidium, sed non perfectum.

Non tamen opus est, quod actus in iudicio prebari possit.

possit. Quo sit ut excommunicatus occulte cele-
brans, incurrat irregularitatem.

Irregularitas impedit susceptionem tonsuræ, &
omnium Ordinum; &, si sit totalis, impedit usum eo-
rum omnium, non, si tantum sit partialis. Vnde si Sa-
cerdoti amputetur digitus, ille poterit à peccatis ab-
soluere, et si non liceat ei sacram celebrare.

Imò poterit per se loquendo, eiusmodi sacerdos
eligi ad beneficium, habens adiunctum onus au-
diendi confessiones, non autem sacram celebrandi.

Licet aliqui putent hoc tantum procedere de eo,
qui partialiter factus est irregularis, sine sua culpa: a-
llii tamen id extendunt etiam ad eum, qui sua culpa
eiusmodi irregularitatem incurrit.

Verùm simpliciter irregularis non est capax bene-
ficii, adeoque si illi confertur, curare debet ut obtē-
ta dispensatione ab irregularitate, beneficium ei
iterum conferatur. Et idem de pensione clericali di-
ci potest.

Vnde si beneficium confertur irregulari, ante ob-
tentam dispensationem, collatio est nulla, & ille
non potest fructus beneficii suos facere, nec exercere
actus administrationis ei adiunctos.

At si irregularitas post legitimam beneficij colla-
tionem superueniat, ea non priuat, ipso facto, bene-
ficio ante obtento. Quare beneficiarius irregularis
potest beneficium resignare in favorem alterius, non
tamen tenetur fructus restituere, si suo muneri per
se, vel per alium satisficerit.

Irregularis ob homicidium, aliudque crimen, pri-
uandus est beneficio, non pensione; ei tamen qui ex
agritudine irregularitatem contrahit, debet dari
coadiutor, qui illius vicem suppleat.

Sicut irregularis est incapax beneficij, ita & iuris-
dictionis ordinariæ ei adiunctæ; adeoque validè ac-
cipere non potest iurisdictionem ordinariam fori
pœnitentiæ.

Verum quemadmodū beneficiarius qui incidit in

M 2 . . . irre-



irregularitatem, non priuatur ipso facto beneficio ante obtento, ita potest ille exercere iurisdictionem beneficio annexam, extra usum Ordinis; unde Parochus irregularis potest matrimonio assistere, non tamen solemniter benedicere: potest alteri facultate absoluendi delegare, non tamen ipse potest sacramentaliter absoluere.

Irregularis non est incapax iurisdictionis delegatae. Quae Sacerdos qui irregularitatem incurrit, potest validè accipere potestatem delegatam absoluendi in foro pœnitentiae; esto non possit eam legitimè exercere, quādiu tale impedimentum durat.

Confessio scienter facta irregulari nominatum denunciato, est inualida; at quæ illi sit ignoranter, non videtur inualida.

Non incurritur irregularitas in dubio iuris, id est quando dubitatur an iure lata sit, vel an ius existat à quo imponatur.

Nec incurritur quando probabiliter iudicatur, per ius non inferri, et si sit probabile, aut etiam probabilius eam inferri. At si probabile est irregularitatem iure latam esse, nec contrarium iudicatur probabile, id sufficit ad eam incurriendam.

Qui dubitat an actui quem elicuit, iuncta sit irregularitas, non debet contra tales irregularitatem operari; v. c. Ordines suscipiendo, antequam dubium ex causa rationabili in praxi deponat.

Si tamen post adhibitam moralem diligentiam, dubium adhuc perseverat; aliqui dicunt dubitatem non teneri seruare irregularitatem; et si alij oppositum doceant.

In homicidio laborans dubio facti, censetur irregularis, quod probabilius ad alia facta propter quæ irregularitas incurri solet, extendi non debet.

Licet autem aliqui putent, id non debere intelligi, nisi de dubio homicidij iniusti, alij tamen putant etiam extendi ad iustum homicidium. Ita ut ille tenetur

neatur se gerere tanquam irregularēm, qui dubitat
an aliquem siue iuste, siue iniuste occiderit.

ARTICVLVS II.

De irregularitatibus prouenientibus vel ex aliquo
defectu, vel ex delicto.

VARIÆ sunt irregularitates ortæ ex defectu.

Prima est quæ oritur ex bigamia, defectu significationis, quatenus bigamus non potest rectè representare matrimonium Christicum Ecclesia, quod est unus, cum una.

Nota hoc impedimentum incurri, non modo per veram & realem bigamiam, qua quis verè matrimonium inicit cum duabus, sed etiam per interpretationem, & similitudinariam.

Dicitur bigamia interpretationia, quando quis non verè cum duabus contraxit, sed secundum interpretationem iuris censetur cum duabus contraxisse. Ut si quis contrahat cum vidua, aut cum alia carnaliter cognita.

At bigamia similitudinaria est, quando quis post emissum votum castitatis, vel in professione religiosa, vel in susceptione sacerorum Ordinum, matrimonium celebat cum aliqua, eamque carnaliter cognoscit.

Secunda est quæ oritur ex defectu corporis, siue ille defectu talis sit, ut nimiam deformitatem secum ferat, ut si quis careret naso, aut ipsi oculus extractus esset: siue impedit executionem Ordinis ob debilitatem, ut si quis tremulis manibus non posset contrectare calicem, absque periculo effusionis. Siue denique scandalum, & abominationem pariat, ut morbus epilepticus, lepra, &c.

Tertia est ex defectu natalium, quando scilicet aliquis natus est ex illicito concubitu. Verum hoc impedimentum tolli potest 1. per legitimationem. 2. per dispensationem 3. per professionem in Religionem approbata emissam.